



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm LV. Dilectis.

[urn:nbn:de:hbz:466:1-62587](#)

Ita Abb. hic n. 3. Franc. nos. 4. gloss. in c. Pastoralis. 11. verb. exceptis. de officio Ordinarij; nam Archiepiscopus est Iudex ordinarius Episcopi, id est eum cohibere debet, si aliquem iniuste vexet.

5 Not. V. Qui a sententia appellavit, appellationi non tantum renuntiare videtur, si se subiiciat jurisdictioni Iudicis a quo, c. *Grauim. 20. de off. deleg.* sed etiam si compareat, coram superiore Iudicis a quo, qui sit inferior Iudice ad quem, ut in casu huius Capituli; si enim aliquis actum contrarium seu incompatibilem alteri priori actui exerceat, tunc eum revocare seu ipsi renuntiare censetur. Sed cum appellatione ad Papam consistere non potest, ut inferior videlicet Metropolitanus causam appellationis cognoscat, ergo si is, qui ab Episcopo ad Papam appellauerat, postea Episcopi mediatum Superiorum, videlicet Metropolitanum adeat, ut eandem causam cognoscat, is priorem appellationem deserere ei que renuntiare censetur.

6 Cæterum, si appellatio a Iudice, a quo appellatur, approbata sit, vel ab adversario accepta, tunc ad Curiam devoluta censemur, *20.* si appellans recedere non possit, alioquin in expensas condemnatus est. *cap. Nicolao. 6.4. hoc tit.*

7 Not. VI. Protestatio impedit, quo minus al quis censeatur renuntiare juri suo, si debitor. *4. quibus modis pig. ubi gloss. noua ait.* quod creditor consentiens pignus vendi, salvо jure suo, jus pignoris non amittit. *& Innoc. in c. Cum M. n. 1. de constitut.* ait: tunc protestationem prodesse, si actus, qui geritur, duobus modis intelligi possit, ut in exemplo prius allato; sin autem actus ad unum determinatus sit, tunc protestatio contraria repugnat actui & dicitur factio contraria, id est nihil prodest. Tum vero distinguendum est; vel actus substantiam suam jam habet ex proprio obiecto, hoc casu protestatio contraria ei superveniens omnino inutilis censeri debet, & pro non apposita haberet; ut si quis viro honesto alapam infligendo dicat, se non iniuriae causam agere, is vero iniuriam infert. *l. Si quis connitij. s. C.*

de iniuriis. Cum alapa voluntarie inflicta, viro honesto & innocentis, ex obiecto suo substantiam iniuriae habeat, quae per protestationem contrariam auferri non potest, vel actus nondum habet substantiam ex obiecto, sed pendet ex libera voluntate, tunc per contrariam voluntatem seu protestationem impeditur ac tollitur, exemplum habes in hoc cap. actum suo iuri contrarium agendo censetur aliquis renuntiare juri, sicut supra dictum. & tradit *gloss. in l. l. C. defurt.* sin autem aliquis talen actum agendo, nihilominus ius suum retinere velit, tunc tanquam contraria dicens repellere debet, ut hic & in cit. l. l.

CAPITVLVM LV.

Dilectis.

PARAPHRASIS.

Presbyter alicuius Ecclesiæ Altisiodorensis Dioecesis, aliqua furtuè ex Ecclesia subtraxerat, quæ cum restituere recusaret, Episcopus eum excommunicauit: dicebat enim plenam jurisdictionem super ea Ecclesia ad se pertinere, sed Decanus assertens Ecclesiam illam & Presbyterum sui jurisdictionis esse, petuit Presbyterum sibi exhiberi & restitui, tunc Episcopus veritus, ne quidpiam attentaret, se & suos & statum Ecclesiæ ac ciuitatis Metropolitaniani protectioni subiecit. Sed Decanus posthabita appellatione interdictū promulgauit, ut Episcopo presente in Ecclesia Altisiodorensi a diuinis officiis cessaretur. Postea vero cum ad diem præfixum partes comparuerint, coram Officiali Curiae Metropolitanæ, ad quem appellatum erat, Decanus allegauit, id est se appellationi ab Episcopo interpositæ non detulisse, quia Presbyter adhuc in vinculis detinebatur, nihilominus Officialis sententiam tulit, irritum fuisse interdictū, quod Decanus promulgauit post appellationem Episcopi,

His relatis Innoc. III. responderet. Quandoquidem Episcopus plures modos expresserat,

a a a a 3

serat, q uibus Decano propter capturam Presbyteri justitiam exhibere veller, non potuisse Decanum interdictum promulgare, & ideo pro irrito & inani habendum esse, non obstante, quod Decanus in ea re varius, dicat, se interdictum promulgasse, antequam Episcopus appellariet, & se eiusdem interdicti sententiam ad tempus suspendisse, si quidem pendente appellatione, non poterat Decanus procedere ad executionem sententiae.

Insuper vero processum Officialis aduersus Decanum ipse Papa temerarium decernit, propterea quod Decanus prius ad Pontificem appellauerit; notum autem sit, post appellationem nihil esse nouandum; quod vero Episcopus Decanum, cum interdictum tollere nollet, excommunicabit, id prima facie recte factum videtur potest, quia Officialis prohibuerat, ne interdictum seruaretur, Decanus vero hoc ipsum praeципiendo Diuina officia perturbabat. Verum quia dicta excommunicatione prolata est post appellationem a Decano interpolitam ad Papam, cui etiam Officialis deferebat, Apostolos dando, ideo non tantum negotium principale, sed etiam accessoria ad Apostolicam Sedem devoluta fuerunt, consequenter excommunicatione secuta viribus carerat.

Vltius tametsi Metropolitanus Decanum non obstante eius ad Sedem Apostolicam appellatione evitandum denuntiaret, propter excommunicationem ipsi a suo Episcopo inflictam, tamen Canonici Senenses eidem recte communicarunt, quippe saniore consilio ducti, ut potius appellationi ad Pontificem delatae, quam denuntiationi Metropolitani se conformarent.

S V M M A R I V M .

1. Clericus ab Ecclesiastico iudice incarcari potest, & torqueri, si agatur de criminis eius etiam civiliter tantum.
2. Idem subiectus Episcopo, ex consuetudine

aut priuilegio in certa parte diocesis jurisdictionem obtinere potest, excluso Episcopo.

3. Magistratus repeterere potest subditum ab alio iniuste detentum.
4. Episcopus a subdito suo grauatus extraordinary pronocare potest ad Metropolitanum.
5. Limitatur.
6. Interdictum ferri potest sub modo aut conditione certa.
7. Excommunicatus, post legitimam appellationem, non est vitandus.

Not. I. Clericus ab Ecclesiastico iudicato incarcerari potest, si agatur de criminis eius etiam civiliter tantum ad rei subtraetam aut damni iniuste illati restitutionem. c. Si Clericus. 15. de sent. excommun. 6. sed & torqueri in tali casu posse Clericum habetur in c. 1. de deposito. & videri potest Alexander hinc. not. 1.

Not. II. Clericus subiectus Episcopo, ex consuetudine, aut priuilegio in certa parte Diocesis jurisdictionem obtinere potest, etiam excluso Episcopo, ita ut is ordinari se immiscere non debeat, sed tantum ob defectum, aut negligentiam inferioris eius Clerici, v.g. Archidiaconi, aut Decani. c. Irrefragabilis. 13. de off. Ordin. & tradit hinc Franc. not. 4. Alex. not. 3. &c docui de jurisdict. ordin. concl. 77.

Not. III. Magistratus repeterere potest subditum, si ab alio iniuste, aut praeter Iuris ordinem detineatur, quia ipsius interest partim, ne jurisdictionis eius violetur, partim quia subdito indiget ad praestanda debita munera. arg. l. De jure. 37. ff. ad municipal. vbi ciuitas vendicat sibi ciuem suum ad munera obeunda, & Archidiaconus in c. Authoritate. 4. de priuileg. in 6. ait: quod Dominus agere potest, ne subditi eius molestantur, quandoquidem ipse obligatus est ad defendendum eos ab omni iniusta. arg. huius cap. vbi videmus Episcopum pro se & omnibus Ciuitatis incolis appellasse, ne per interdicti sententiam turbentur. Addit vero Gloss. in cit. c. authent. verb. pertinent. Innocent. hic. verb. Ciuitatis, quod Domino actio de dolo

dolo vel interdictum utile (vti possidetis) cōpetit, si aliquis colonus eius in possessione turbet, eīve molestus sit, quia interest Domini, vt colonus in fundo quietus manere sinatur. Cæterū de furto si quid ipsi colono subtractum sit, Dominum agere posse, cūm eius non intēsit, sed nec de iniuria, nisi facta sit contemplatione ipsius Domini.

Adde his, quod arrestationes subditorum propter qualēcunque obligationem Dominicanorum valdē odiosē censeantur, vt in imperio mox mandata etiam sine clausula iustificatoria ad liberationem decernantur, sicuti videre est apud *Gail. de pignorationibus & arrestationibus.*

4 Not. IV. Si Episcopus à subdito suo grauetur, extra judicialiter provocare potest ad Metropolitanum, ita *Abb. hic. not. 5.*

5 Verūm cūm id alibi expressum non reperiatur, & sit contra Regulas communis juris, in quibus habetur: Si Episcopus contra Clericum suum litem habeat, vt coram arbitris, vel si causa criminalis sit, in Concilio Provinciali transfigatur, sicuti docui de iurisdictione Ordinar. concil. 80. ideò hoc notandum videtur generaliter accipiendum, sed prout ex textu nostro colligitur, videlicet si Clericus statum Ecclesiæ Cathedralis seu communitatē Diocesanorum infestare conetur, quia ad bonum ordinem Ecclesiastice Hierarchiæ pertinet, vt in tali casu, in quo periculum in mora est (si ad Pontificem pro remedio accurri statim non possit, neq; exspectari, donec Synodus Provincialis habeatur) Archiepiscopus remedium mox adhibeat.

6 Not. V. Interdictum ferri potest sub modo aut conditione certa, videlicet si & quamdiu author sceleris est in ciuitate, similiiter & suspicio ferri potest. v. g. donec Reus satisfecerit, postea verò si satisfactum sit, per se cessat censura secundum gl. in Clem. 1. verb. donec de decim. in quo different hæ censuræ ab excommunicatione, quæ non potest absolue ac totaliter ferri, & non nisi per absolutionem tolli.

7 Not. VI. Qui post legitimam appellacionem excommunicatus est, à fidelibus vitari

nō debet, sed in dubio num appellatio fuerit legitima an friuola, parendum videtur Praelato denuntianti excommunicatum, saltem donec Superior ad quem appellacionem admiserit. arg. o. 2. de sent. excomm. in 6.

CAPITVLVM LVI.

Vt nostrum.

PARAPHRASIS.

Cūm Cancellaria Ecclesiæ Mediolanensis tanto tempore vacasset, vt ad Sedem Apostolicam eius collatio devoluta videatur, Innoc. III. mandauit Archiepiscopo vt Hannibali Cancellariam conferret, sed Archiepiscopus diversa rescribens, alterā vice respōdit, se 10. mensibus prius quam Bullam Pontif. acceperat, collationem fecisse Henrico, tum Pontifex jussit, vt Henricum, cui collatio facta referebatur, cum testibus &c. ad jus suum prosequendum Romanum mitteret, sed Archiepiscopus nō obstante hoc mandato, dicto Henrico sigillum Cancellariæ contulit. His intellectis Innocentius mandat quibusdam delegatis, si ita se rem habere cognoverint, quod videlicet sigillum traditum sit, postquam Papa totius negotij cognitionem ad se avocauerat, traditionem irritā decernant, prohibentes Henrico, ne figillo unquam vti præsumat, quia plus aliquid est, Papam ad se causam avocare, quam ad ipsum super causa appellari. Casum hūas cap. reperies inf. in c. 1. *Vt Ecclesiastica beneficia &c. secundum integrum eius legationem, adiunctā Glossā.*

S U M M A R I U M.

1. Superiori judice causam avocante à judice inferiore, huīus in ea causa aet. a post auocationem ipso jure irrita sunt.
2. Superior potest ab inferiore causam avocare potest, si hac ab illa jurisdictionem accepit.
3. Auocatio cause magis impedit jurisdictionem judicis à quo, quam appellatio.

4. In